


HET OFIS BILONG GAVMAN



Inap nau tumbuna tru bilong olgeta bikpela haus long PNG em haus pepa o het ofis bilong gavman long Waigani.

Inap long 1800 pipel i ken wok insait long en. Em i kostim moa olsem \$3 milien dola.

Em i gat tupela taua. Wanpela i gat 5-pela plua na narapela 7-pela. Olgeta plua i karamap long tepik tasol.

Bihain liklik bai olgeta dipatmen bilong gavman i gat het ofis bilong en long dispela bikhaus. Olsem tasol ol i ken bung wok wantaim isi tumas.

Gavman i hop Australia bai presen long em long nupela Haus ov Asembli.

Sir Maori Kiki i tok

AUSAITMAN BAI LUSIM TIKET

Long las de bilong 1975 olgeta ausaitman bai no ken stap moa insait long Papua Niugini sapos ol i no bin kisim nupela tok orait long gavman. Maski ol i bilong wanem kantri na i holim wanem kain tiket o tok orait bipo.

Ausaitman em i olgeta manmeri i no gat tupela tumbuna papamama i bilong Papua Niugini stret.

Olgeta kain tiket o laisens o tok orait wan wan ausaitman i holim nau, bai lusim strong bilong en long 31 Desemba. Bipo long dispela de wanpela wanpela ausaitman i mas kisim nupela tok orait long stap yet insait long Papua Niugini.

Em i samting bilong gavman tasol long tok wanem ausaitman i ken i stap, na husat i mas go. Na gavman tu bai tok wan wan ausaitman i ken i stap inap hamas taim.

Inap nau, gavman i pilim, em i isi tumas long olkain pipel i no pren tru bilong kantri long stap insait long Papua Niugini. Nau gavman i laik skelim wan wan pastaim.

PNG bosim ami

Long apinun bilong de namba 5 bilong Mas, em i las taim ami i slekim plak bilong Australia i go daun long plakmas bilong ol bareks bilong ol long Port Moresby na Wewak na Lae.

Bai ol i no haisapim gen, long wanem ami bilong PNG i no moa aninit long plak bilong Australia.

Ol Yuropien soldia na ofisa i stap yet long PNG Difens Fos nau ol i gat narakain yunifom na ol i no bilong ami bilong PNG tru. Ol i helpim yumi tasol. Australia yet i baim ol. Tupela kantri i poroman.

PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prininim nem bilong yu tru, orait yu raitim wanpela narapela nem bilong yu.

PEN PREN

Dia Edita.- Mi laikim wanpela pen pren bilong Papua Niugini, o bilong ol narapela kantri.

Em hia nem na adres bilong mi.

Herman Angari, Bougainville Copper Ltd, Post Office Box 478, Pangunga, Bougainville Island, PNG.

Dispela pen pren i mas wanpela meri. Kris-mas bilong mi, 18 yia. Em tasol. Tenkyu.

RAIT NAMBA

WAN TAIM

Dia Edita.- Em i pes taim bilong mi long rait i kam long Wantok Niuspepa.

Mi laik autim wari bilong mi, mi save harim oltaim long planti man.

Em long sampela hap bilong Papua Niugini ol i no lusim pasin bilong tumbuna. Ol i stap skin nating no gat laplap.

Tude yumi olgeta i gat mani. Olgeta pipel i save pasim let long klos bilong ol. Em ol dispela samting hia ol i save lukim long Isten Hailans Distrik.

Mi no save, ating long arapela hap tu ol i stap olsem ol pipel bilong Isten Hailans.

Tasol nau tru, Namba Wan Minista bilong yumi i tok gen. Yumi mas bihainim pasin bilong tumbuna bilong yumi.

Mi no lukim long ai bilong mi. Mi save harim tasol long maus bilong ol pipel. Mi save lukim tu long ol poto.

Tasol dispela hap mi

bin toktok long en, nau ol manki bilong dispela hap ol i skul na ol i save werim ol gutpela samting, na ol lapun i stap olsem bipo.

Long planti hap bilong PNG, ol i lusim pinis dispela kain pasin. Nau ol i gat gutpela samting. Ol lapun tu nau ol i yusim ol gutpela klos bilong ol.

Sapos husat man i gat laik long bekim dispela pas bilong mi, rait tasol i go long Wantok Niuspepa. Em tasol.

Joyce K. Piruema,
Buin/Bougainville.

LAIK BILONG

WAN WAN

Dia Edita.- Mi gat wari. Wari bilong mi i go olsem:

Long nau planti pikinini i save kamap nating. I no gat papa bilong ol. Bipo i no olsem. Ol papamama i save makim pikinini meri bilong ol long maritim man na dispela pasin i helpim pikinini meri long i stap stret na inap long maritim dispela man em ol papamama i makim long em.

Tasol nau ol i tok "Laik bilong wan wan." Na ol yangpela manmeri i ken bihainim laik bilong ol yet. Em dispela tok i as bilong pikinini i kamap nating, i no gat papa.

Mi yet mi no maritim. Tasol mi tingim tok bilong Baibel i tok:

God yet i as bilong maritim na em i wokim namba wan maritim. Tok i kam long Gen.18:22-25, Kor. 11-19 na long Hib. 14:4

i tok; "Maritim em i gutpela samting long yupela olgeta."

Pasin bilong maritim em i mas i stap stret olsem samting i klinpela tru long ai bilong God. Nogut yupela i mekim doti. Yupela i save bihainim bai God i givim pe nogut long ol manmeri i mekim pamuk pasin na long ol manmeri i bagarapim maritim.

Baria S. Sindo,
Keako/Kavieng.



PINISIM KROS BUNG WANTAIM

Dia Edita.- Nau mi laik autim wanpela wari bilong mi, bai yupela i ken prininim long Wantok Niuspepa. Wari bilong mi i go olsem:

Yumi save tok, Papua Niugini em i wanpela kristen kantri. Tasol mi pilim olsem em yumi tok tasol long maus. Olsem wanem na yumi ol man bilong nambis i save kros long ol man bilong Papua, na ol man bilong Hailans. Dispela kain pasin i no stret tru.

Sapos yumi stap wanpela pipel, orait, yumi no ken kros, no ken pait na yumi no ken kilim narapela man o meri.

Yumi olgeta i mas wok wantaim. Na sapos wan-

pela distrik i no ra gut, yumi mas givi helpim long ol. Amerik na Australia i no sav resis.

Papua Niugini i n tupela ailan. Nogat. Yu mi wanpela ailan. Taso yumi i no ranim gut kantri bilong yumi.

Sapos yumi tok PNG em i wanpela kristen kantri, orait yumi mas bihainim gut ol lo bilong God, na i no ken kro na pait, i stap olsem o liklik pikinini i sav bihainim laik bilong papa na mama tasol.

Em tasol long liklik wari bilong mi. Tenkyu Paschal Won,
Erave/SHD.

OL BIKMAN SKULIM GUT

Dia Edita.- Mi laik autim liklik wari bilong mi. Mi wanpela boi bilong Foa Skwea Misin Wari bilong mi i go olsem:

Mi save raun long sampela ples long Ister Hailans Distrik, na mi laik autim gutnius long ol. Tasol ol i save tok mi waswas pinis long dispela misin. Na ol i no save gut.

Bilong wanem tru, ol ya i save holimpas nem bilong misin, na ol i lusim tingting long Jisas Kraist.

Mi ting em i asua bilong ol pasto na wokman i no save tokim ol gut long Jisas Kraist. Na ol i holim nem bilong misin na waswas tasol. Dispela pasin em i no stret.

Mi ting sapos pasto o wokman i mas mekim tok klia. Na tokim ol olsem: Bilong wanem ol i waswas long wara? Na tokim ol long holimpas bilip bilong Kraist Ji-

s tasol.

Bilong wanem, Jisas tok long Jon. 14:6 i kim Thomas.

"Mi yet mi rot na mi bilong tok tru. Na as bilong laip."

I no gat wanpela man kamap long papa long rapela rot. Nogat. ng mi tasol.

Sapos husat man i bel- it, rait i go long untok Niuspepa. Tenkyu. Jim H. Raboke, Isten Hailans.

'USIM TUMBUNA MANI YET

Dia Edita.- Wanpela amting mi bin lukim i o stret tru long ai ilong mi. Em ol pipel ilong hap bilong Talaea, ol i yusim mani ilong tumbuna yet. Mi ave lukim ol i baim meri long pik, na sampe- a bikpela samting.

Na i no stret tru ong ai bilong mi, na u ol sampela pipel bi- ong arapela distrik usat i stap long hap ilong Talasea.

Mi save lukim tu ol pikman ol i save karim mani bilong tumbuna long basket bilong ol raun long olgeta hap. Ia mi no save wanem as bilong em tru.

Mi laikim bai ol man ritim dispela pas bi- long mi na tingting lik- lik long en.

Sapos wanpela man i gat planti mani bilong tumbuna long basket bi- long em na narapela i gat mani stret long basket bilong em, tupe- la i sindaun long wan- pela taun na tupela i hangre. Yupela i ting hu- sat bai i baim samting na kaikai?

Man i gat mani bilong tumbuna o man i gat ma- ni stret?

Mi ting man i karim mani bilong tumbuna bai i pes drai olgeta. Em tasol. Tenkyu.

Joseph Mami,

Kimbe Haiskul/W.N.B.D

TINGIM LAPUN BILONG PLES

Dia Edita.- Nau mi laik bekim pas bilong pikinini hia, Philipson Tai. Pikinini hia i tok em i save opim redio na harim tok ples tasol.

Yes pikinini, yu yang- pela man na yu save long 3-pela tok, tok pi- sin, tok inglis, na tok ples. Yu laik harim nius i kam long Papua Niugini na ol arapela kantri. Na mipela ol lapun tu.

Mipela ol lapun long ples i laik harim redio wan kain olsem yu. Na pi- kinini. Olsem wanem bai harim na save long wa- nem samting i kamap long PNG, na long ol arapela kantri tu?

Em i gutpela tingting bilong ol man i wok long redio i save mekim. Oli mas ritim nius long tok pisin na bihain rit- im long tok ples. Em bai mipela ol lapun i ken harim na save gut long wanem samting i kamap long PNG na ol arapela kantri. Yu no ken ting- ting long yu yet, yu mas tingting long ol lapun na tumbuna bilong yu tu. Tarangu ol i no gut long tok pisin.

Em tasol long tok bi- long mi. Sapos pikinini i gat sampela bekim, orait, rait tasol. Papa i was na amamas tasol long harim wari bilong yu.

Ignatius Banau,
Goroka.

YU NO JAS

Dia Edita.- Nau mi laik autim wari bilong mi long manmeri em ol i save raitim pas long Wantok Niuspepa. Plis brata mi laikim bai yu- pela i ritim na skelim gut long tingting bi- long yupela.

Wari bilong mi i go olsem: Planti taim mi ritim pas long Wantok Niuspepa, na planti taim

TU MINIT TINGTING

ISTA

"Kirap bek, em mi yet. Na laip, em mi yet. Man i bilip long mi, sapos em i dai, maski, em bai i stap laip. Na olgeta man i stap laip na i bilip long mi, baiolino i dai. Nogat. Bai ol i stap laip oltaim oltaim. Yu bilipim dispela o nogat?" (Jon 11, 25)

Planti Kristen i ting Gut Fraide em i bik- pela de tru bilong ol bikos Jisas i dai long dispela de bilong baim bek yumi. Yes, em i bikpela de; tasol em i no inap long Ista.

Olgeta manmeri i save dai. Tasol kirap gen long indai, em Jisas wanpela tasol i bin pro- mis na i bin mekim.

Planti taim long laip bilong em, em i bin tokim ol disaipel olsem: "Yupela i no ken tok inap mi kirap bek long indai". Planti tok bilong Jisas i hangamap long dispela promis long kirap bek.

Na Santu Pol i tok olsem: "Sapos God i no bin kirapim Krai, orait, tok bilong mi i no gat as bilong em, na bilip bilong yupela tu i no gat as bilong en." (1 Kor. 15, 14.)

Olsem wanem Jisas i ken promisim ol man em bai helpim ol bai ol i no mas indai, sapos em yet indai pinis na i no kirap bek?

Planti arapela samting Jisas i bin mekim, em sampela arapela man ol i bin mekim tu. Tasol kirap long indai, i no gat wanpela man long dispela graun i bin mekim.

Jisas i holim tru promis bilong em; em i ankaim tru bilip bilong yumi.

Nau em i wok bilong yumi long holim dispela bilip, na bilipim narapela promis bilong em. Em dispela: "Sapos wanpela man i bihainim tok bilong mi, em bai i no ken i dai inap oltaim oltaim." (Jon 8, 51.)

mi ritim ol toktok bi- long ol meri. Sampela man i save was na luk- luk gut long pasin o we bilong ol meri. Sapos ol meri i mekim wanpela pasin i no stret long ai bilong man, em nau. Man i kirap kwik na raitim pas long Redio Wewak, o long Wantok Niuspepa.

Long tingting bilong mi i no stret, long wan- em mipela olgeta i ken mekim samting i no orait long ai bilong arapela man. So mipela i no ken skelim man.

Jisas i tok, "No ken skelim man olsem jas." Traim opim buk baibel sapos yu gat long Matyu

7: 1-4.

Em tasol long liklik toktok bilong mi. Yu hu- sat man i laik bekim o skruim tok bilong mi, wokim tasol. Tenkyu.

John K. Halau,
Aitape/W.S.D.



OL ROT NAMBA WAN BILONG HELPIM PIPEL



Long poto long lephan, yumi lukim wanpela ma ta mak bilong ami i stap namel long bikbus na yusim kompas long makim ples bilong putim p long wokim rot. Sampela lokal pipel i katim gr na bus na sampela i planim mak. Ol i statim r olsem tasol.

Long poto long lephan daunbilo, gavman i sin aut long ol bikpela kampani em ol i gat ol ka kain masin bilong wokim rot. Hia yumi lukim lokal pipel i yusim spet, savol na olkain sa ting long wokim rot, na long hap sait em ol bu. dosa i mekim save i stap. Nau rot tru i stat lo kamap.

Bihain rot i kamap nais moa, olsem yu luk long poto daunbilo. Rot i mekim moa isi long pipel bilong ples i ken bringim ol samting b. long gaden i go long maket. Rot i pasim wanta olgeta kain kain pipel.



Yu save tru long kaikai?

Yu ting wanem long ol kaikai yu save kisim olgeta de? Yu save wanem kain i helpim bodi bilong yu na wanem kain i no save helpim tumas bodi bilong yu? Na hamas taim yu save kaikai long wanpela de?

Planti man long Papua Niugini i save ting mi kisim gutpela kaikai olgeta taim mi kaikai. Em i tru. Tasol sapos yu kisim wanpela kain kaikai long olgeta taim yu kaikai, em i nogut long wanem em i no helpim yu tumas. Olsem na yu mas kaikai planti kain kain kaikai bilong helpim skin bilong yu.

Na tu yu mas givim gutpela kaikai long pikinini bilong yu. Em i nogut sapos em i kaikai rais o kaukau o saksak olgeta de. Tru ol i givim em strong, tasol ol i no helpim em long kamapim gutpela bodi o lukautim em long i no ken kisim sik.

Yu save hamas pikinini i dai long Papua Niugini long wanem ol i no kisim gutpela kaikai? Long yia i go pinis, 3,000 pikinini i dai insait long PNG. Ol i kisim dispela kain sik ol i kolim Malnutrisen, long wanem ol i sot long gutpela kaikai.

Yu save long givim gutpela kaikai olsem kiau, pis, mit, pinat, pamken, popo, kumu na ol arapela kain kaikai. Sapos yu no givim ol dispela samting na yu wok long givim kaukau, taro o rais o saksak tasol, yu bagarapim pikinini bilong yu.

Ol man i gat gutpela tingting bilong ol na ol i wari tumas long kantri bilong ol, em ol man i bin kamapim wanpela ogenaisesen long pinisim dispela sik nogut yumi kolim Malnutrisen. Ol man hia ol i bilong FOOD ACTION GROUP.

Ol dispela lain i kirapim tingting bilong ol man long kamapim kaikai bilong helpim famili yet. I no bilong salim na kisim mani o mekim wanem. Olsem na yu tu mas kirapim tingting bilong yu na kamapim gutpela kaikai bilong famili bilong yu.

Na tu sapos yu gat gutpela sindaun na yu gat wari long planti lain pikinini i kisim bagarap long ol arapela hap bilong PNG, i gutpela moa yu tingim ol na givim helpim long ol. Yu no ken ting o mi gat hevi na bai mi ken helpim ol olsem wanem? Yu ken helpim ol long salim 50¢ o \$1.00 o hamas yu gat. Yu ken salim i go long:

FOOD ACTION GROUP,
P.Q. BOX 24, PORT MORESBY.

(Dispela stori i kam long Yangpela Didiman Nius)

PATI BILONG OL PISIN

Wanpela maunten i stap em bilong en Ambra. Ong dispela maunten anpela pisin i stap. Em bilong dispela pisin em Ambra Minginga. Dispela pisin i laik wokim haus na em i go long bus na painim rop long wokim haus. Taim em wokabaut yet long bus, bikpela ren, i kamdaun ta bagarapim pisin.

Orait, nau bikpela pisin muruk i save kaikai prut bilong diwai, i kamap long liklik pisin. Muruk i ting, em i prut bilong wanpela diwai, na em i kaikaim liklik pisin na daunim em pinis. Orait, muruk i go nau.

Tasol liklik pisin i no indai, em i stap laip yet long bel bilong muruk. Long moningtaim muruk i pekpek, na liklik pisin i kamap laip gen.

Orait, liklik pisin i wok long tanim tanim i stap, na san i hatim em na gras bilong em ikamap stret gen. Orait, liklik pisin i painim rop na i go long haus bilong em.

Taim liklik pisin i wokim bikpela haus pinis, em i singautim olgeta pisin na kapul. Liklik pisin i save wokim spia na banara na em i tok: "Mi wokim haus pinis na mekim bikpela kaikai. Nau yupela olgeta bikpela pisin na kapul, yupela i kam long

kaikai." Olgeta pisin o kumul na olgeta kapul na rat, olgeta i kam bung na kisim kunai i kam long bikpela haus bilong liklik pisin. Long apinun nau, liklik pisin i tok bikmaus i spik: "Mi liklik pisin i no gat nem bilong mi. Tasol yupela ol bikpela ol bikpela kumul na muruk o ol arapela pisin na kapul, yupela i wantok bilong mi. Tasol yupela i no save long mi, long wanem, bikos papa i putim yupela ol bikpela long bus na papa i putim mi long kunai. Na olsem wanem yupela i no save long mi?"

Em i tok olsem na tilim kaikai. Ol pisin bilong kunai i kisim save pinis, tasol ol kumul bilong bus na ol kapul ol i no save long dispela tok bokis, na mining bilong en i no klia long ol.

Ol i pilim tasol liklik pisin i bin wokim bikpela haus hia na em i givim dispela tok. Ol i pilim olsem na kisim kaikai, na kaikai i stap. Tasol liklik pisin i tingting yet na mekim dispela tok long kilim bikpela muruk.

Orait, liklik pisin i liptimapim spia bilong em na kilim dispela bikpela muruk. Nau ol i kirap nogut na larim kai-



kai i stap na ranawelarim olgeta samting bilong ol, ol i karim i kam wantaim na ranawekumul na muruk o kapul

i no i stap long kunai. Nogat. Long wanem, ol i pret nogut tru na i go pinis. Mathias Nongur, Pumakos/Enga Distrik.



* Long poto hia yumi lukim ol yangpela fama bilong Pompokus klostu long Wapenamanda long Enga Distrik i gat bisnis long planim kabis.

OLABOI, MAMA, HET BILONG MI I PEN MOA MOA YET

YU NO MAS WARI... KISIM ASPRO PASTAIM, BAI PEN I RAUS OLGETA..


TRU TUMAS.. PEN I GO PINIS.. MAMA YU SMAT TUMAS..

EM I NO SAMTING BILONG MI.. EM I ASPRO TASOL..

NAMBAWAN MARASIN BILONG OLGETA PEN.

MICROFINED FOR RAPID ABSORPTION
CONTENTS: 25 TABLETS
'ASPRO'
ASPIRIN
SOLUBLE TABLETS

OLGETA DE OLGETA MANMERI I
MAS WASWAS WANTAIM SMELSOP,
NEM BILONG EM LUX.



WASIM PES BILONG YU LONG LUX.
PILIM NAU EM I KAMAP KLIN TRU.



TAIM YU WASWAS, YU YUŠIM LUX
TASOL. OLABOI, NAU YU PILIM
KLIN TRU. SKIN I LAIT MOA.



SANDA BILONG SMELSOP LUX I PAS
I STAP LONG BODI BILONG YU NAU.



LUX EM I NAMBA WAN SOP BILONG
WASIM OL PIKININI TU.



SAPOS YU LAIKIM BODI I STAP
KLIN NA I GAT GUTPELA SMEL, YU
WASWAS LONG SMELSOP LUX TASOL.
YU GO, BAIM LUX TUDE.



EZ108.5

RAUSIM PEN



**Nambawan marasin
bilong olgeta pen.**

Bundi Gembogl wari long kopa

Tupela kopa kampani ilong Australia i bin ukluk raun na painim kopa long hap bilong Simbu distrik klostu long Bundi. Sampela tokok i kirap pinis long statim wok long dispela rap. Tasol ol lokal pipel i wari na i pret bai ol i lusim graun bilong ol na bai ol i nas raus na go daun long rap bilong Ramu Riva.

Tupela kampani i bin lusim moa olsem \$2 milien dola long wok bilong ol long painim kopa na ol i laik putim klostu \$3 milien dola moa i go long dispela wok, bikos ol i pilim ol i bin painim gutpela ples bilong kopa tru.

KAUBOI MUVI

Long Haus ov Asembli Namba Wan Minista i bin tok olsem: Ol kauboi muvi yet i save skulim ol yangpela pipel bilong yumi long olkain stil na paitpasin. Olsem ol kauboi nogut, ol i save bung na mekim klap bilong goaut na bagarapim ol man na ples na samting. Ol samting ya ol yangpela pipel i save lainim long ol muvi.

Kabinet tingting


... Long painimaut sapos sampela jas na mejistret long kot i save kisim grismani.....

.. Long stapim olgeta ka na trak i ran long haiwe namel long Goroka na Lae, bilong painimaut sapos sampela draiva i spak na i draiv.


.. Long lukaut long ol lokaliseisen insait long NBC brotkasing komisin.

.. Long wokim 4-pela sinia haiskul tasol insait long PNG. Haiskul bilong nambis bai ol i wokim long Passam klostu long Wewak.

I STRONG, I STAP LONGTAIM, I KOSTIM LIKLIK



TILUX- FAIBRO BILONG OL BANIS



HARDIFLEX- FAIBRO BILONG WOKIM HAUS



VERSILUX- FAIBRO BILONG BILASIM HAUS



Yu Ken Baim Long Burns Philp and Bowman's

Sapos yu wokim haus, orait, yu wokim long gutpela samting. Nogut em i pundaun bihain long sampela mun o yia. Kisim faibro i gat nem Hardie, na bai yu win.

Faibro Hardie i strong, i save stap longtaim, i no kostim planti. Em hia sampela pasin bilong yusim.

Dispela faibro em i bilong haus kuk o rum waswas, bilong ol ples wara i save wasim planti taim.

Em i nais tru na i gat 8-pela kala.


Faibro hia em i strong, i bilong ol banis insait na ausait. Yu ken penim o larim i stap nating. Ren na san i no ken bagarapim.

Em i no ken sting o krungut o paia.

Em i bilong bilasim insait long haus na mekim ol banis i no ken paia. Em i gat kain kain kala. Tasol yu ken penim tu long laik bilong yu. Em i strong, i nais, i bilong longtaim.

Hardie's
BUILDING PRODUCTS

SAMTING TRU BILONG HELPIM P NG KAIKAI



Mista Ken Newton

Long mun i go pinis, wanpela man bilong Nu Silan i save moa long we bilong bungim olkain kaikai bilong yumi i ken i stap longtaim moa Mista Hal Morris, i bin pinisim wok bilong em wantaim gavman bilong yumi long Papua Niugini long ol sampela distrik.

Em i bin soim planti kain we na pasin bilong mekim ol kain kain kaikai bilong yumi i ken i

stap longpela taim tru inap 12 mun samting.

Em hia sampela long ol dispela kain kain kaikai mipela i bin lukim: pis makau o talapia na saksak, taro na banana, kaukau na tapiok, kukamba na mango, muli na atus, na planti planti ol arapela kaikai olsem mipela i save kaikai oltaim.

Pastaim ol i save putim ol kaikai insait long wanpela kain stov ol i kolim aven na i smokim ol long mekim ol i drai gut olgeta. Long dispela we ol i save rausim wara long ol mit na ol pis na ol kain kain sayor na saksak tu bai ol i stap longtaim.

Bihain ol i putim ol insait long ol liklik plastik bek. Ol dispela bek man i ken putim long frisa sapos em i laik, o em i ken putim nating long stua o maket na kisim mani. Na ol i no inap long go sting, o bagarap.

Yu laik kaikai yu ken boilim wara, na kapsaitim samting bilong wara, na em i redi long tan.

Long mun i go pinis, wanpela ofisa bilong didiman, Mista Ken Newton, i bin kamap long Wewak na soim ol kain kain kaikai yumi Papua Niugini i save yusim o kaikai olgeta taim.


Ken Newton em i Eria Kodineta bilong Fres Fut Projek long hap bi-

long Morobe Distrik Sepik Distrik, na tu bilong Noten Distrik.

Namba wan wok bilong em i save bungim na pasim olgeta kaikai wantaim na pulimapim ol insait long ol wan war liklik plastik bek.


Mista Newton i bir soim samting olsem moa long 50 kain kain kaikai long sampela pipel insait long nupela didiman ofis bilong Wewak

** Samting yumi lukim hia, olsem tomato na kabis na bin, ol inap mekim drai na putim i stap.*





** Poto long lephan i soim planti plastik bek pulap long kaikai i kamap long PNG stret. Tasol sapos ol meri i lukim, ol i no inap save em i wanem samting.*

** Daunbilo long raithan Mis Anita Yhimen i holim saksak nating na praim saksak. Mis Lusi Labain long lephan i holim saksak i redi long nupela pasin long plastik bek*





MAKET WINIMANI



NAU OL VILES KEN KISIM DINAU ISI


Memba bilong Namatanai na Minista bilong Fainens, Mista Julius Chan, i tokaut long wampela nupela helpim i go long husat ol viles man i laik wok bisnis. Dispela fan i bilong helpim ol kain kain bisnis bilong kirapim gutpela sindaun long wan wan viles em ol i no bin go het bipo long wok bisnis bikos ol i stap longwe na ausait long taun.

Dispela fan i narakain long dispela fan ol i save kolim long Rural Impruvmen Fan. Nupela fan hia em i bilong givim mani inap bilong statim stret ol nupela wok. Dispela fan bai i wok aninit long Developmen Beng, tasol bai narakain nau. Bai dispela fan i mekim isi tru long ol man i laik kisim dinau.

Bipo ol man tasol ol i gat planti mani na kokonas, kaukau, samting na ol i stap long ol hap i go het gut, ol i save kisim dinau long Developmen Beng.

Aidia bilong dispela nupela fan em bilong helpim ol pipel long ol hap we i no gat olgeta o i gat liklik wok bisnis tasol na ol pipel i

INAP LONG YU KEN PAINIM 8-PELA SAMTING
I NARAKAIN LONG TUPELA PIKSA DAUNBILO ?



bin hatwok long painim inap mani bilong statim stret ol bisnis projek. Dispela fan bai helpim tu ol projek em ol i no save winim planti mani. Dispela em long ol hap em ol i no bin gat rot tru bilong painim na kisim mani olsem na ol i no bin save kisim dinau mani bipo.

Mista Chan i tok i gat sampela liklik lo tu ol pipel mas bihainim long taim ol i laik

yusim dispela fan. Mista Chan i tok em i pret nogut ol man longlong na giaman na senis dispela komuniti help bilo bihainim laik bilong ol tas na bihain kros na hevi i kam gen na bai mining tru bilo dispela gutpela fan i lus.

Mista Chan i tok husat gr i laik kisim mani long dispe fan ol i mas go o rait lo Developmen Beng.

STRONGIM BUN BILONG PIKININI



PENTA-VITE



yu ken baim
long olgeta stua
marasin



Ledi Margaret Kiki

Long Februeri ol YWCA i bin kim wanpela nesanel kibung bing ol long Port Moresby.

Ol deliget bilong Nu Ailan, Mt. gen, Rabaul, na Milne Bay i bung inap 3-pela de.

Ledi Kiki, meri bilong Sir Iori Kiki, Minista bilong Difensi Foren Rilesens na Tret, i kamvim tok long ol meri i kibung.

Na Misis Kila Amini, Jeneral Eketeri, i tok ol deliget hia i in toktok long sampela samting olsem sosol welfe, ol yangpela ipel na wari bilong ol, pasin ilong dring, na kain kain trabel save kamap insait long ol taun.

Ol deliget i strong tu long ol meri i mas ken kisim wankain ok olsem ol man, na kisim wanain pe bilong wankain wok. Ol i aik insait long sampela wok bilong ranim kantri na long brotas na kain wok olsem.



TING YU HARIM TU?

Dokta Reuben Taureka, Minista ilong Edukesen, i bin tok long aus ov Asembli olsem: Mipela nau redimwanpela nupela 5-yia program bilong edukesen na pasin ilong ol skul.

Mipela i laik bai olgeta boi na olgeta meri i pinisim skul na jat inap save, i ken kam insait long haikul sapos ol i laik.

Mista Gavera Rea, Minista bilong Nesanel Dvelopmen, i amamas tru long lukim ol wantok i bin statim wanpela nupela printing pres long Port Moresby. Ol i kolim em Hebamo Pres. Hebamo long tok Motu i min: wok bung wantaim. Na em i tru.

Tupela bosman bilong pres ya, Mista Oala Pipi na Mista Boe Arua i bin wok moa olsem 20 yia olgeta long Printing Pres bilong Gavman. Olsem tupela i gat planti save pinis long dispela wok.

Kampani ya em ol lokal pipel tasol i bosim. Planti pren na wanfamili bilong tupela bosman, na tu Dvelopmen Beng bilong PNG, i bin tromoim mani bilong statim dispela nupela kampani.

Mista Rea i tok em bai amamas long helpim em go het gut.

**Wantok...
Yu laik go we?
Yu laik go mekim wanem?
Yu laik go long malolo?
Yu laik go lukim ples
na papamama?
Yu laik go long pilai?
Yu laik go long wanem
hap tru?**

Wantok...

Yu no ken wari tumas long ol dispela askim. Talair I gat save tru long dispela samting. Larim Talair I ken helpim yu—na bai yumi amamas wantaim!


Sapos yu laik bosim balus bilong yu yet, I orait tu. Talair I gat kain kain balus yu ken chata. Em I chata bilong yu yet. Taim yu laik redi—balus bai I go. Yu yet ken makim taim bilong balus I ken I go.

Sapos yu laik go long balus long ron Talair I makim pinis, I orait tu—laik bilong yu!

I gat kain kain balus bilong baim-sampela

bilong karim faivpela man, sampela bilong karim nainpela na sampela bilong karim wanpela ten nain man.

Kam lukim mi pastaim na toksave. Em ol balus bilong Papua Niugini tru. Ol dispela balus I save go long olgeta ples bilong Papua Niugini, maski em I liklik ples o nogat. Sapos ples balus I stap—mi inap! opis bilong Talair I stap long olgeta taun bilong Papua Niugini.



TRAIM TALAIR—EM I LAIN BALUS BILONG YU NA PAPUA NIUGINI STRET



PTY. LTD.

TS0102

Mipela inap wokim

Autim laik bilong yu tasol

**OLKAIN
SAMTING
LONG
KANDA**

**olkain sia
olkain tebol
olkain basket
blain pangal**

Mipela ken salim long sip o balus. Rait tasol i go long:


**CANE INDUSTRY
PES-AITAPE, W.S.D.**

Bisnis bilong ol lokal pipel stret

SALIM MANI I KAM

WANTAIM ODA

lukim ol prais hia



I no long taim i go pinis, Sir Maori Kiki, Minista bilong Difens na Foren Rilesen na Tret, i tok gavman i singaut long \$10,000 long papa bilong bot Kotoura Maru Namba 8. Em i bot bilong Japan i bin wok long painim pis long solwara bilong Papua Niugini, na i no gat laisens. Gavman i bin holimpas kepten bilong bot hia bikos em i no bin stap 12 mail longwe long nambis bilong PNG. Sip i stap klostu long Nisan Ailan. Long Februari 10, gavman i bin harim kot bilong em long Rabaul.

Na tu Sir Maori Kiki i tok olsem, kos bilong bot hia em \$700,000. Gavman i laikim bai ol i mas baim kot long


\$10,000 tasol. Em i na ba wan taim PNG gavn i bin holimpas wanpe bot bilong Japan stre Gavman i mas putim di pela lo bilong help dispela kantri, lc wanem PNG i laikim bi nis bilong pis tu. Ga man i no laik kros wa taim Japan.

PNG na Japan i g kain kain aidia bilo lo bilong nambis. Jap i tok arere bilong wa pela kantri i go 3 ma tasol insait long so wara. Tasol PNG na klo tu olgeta arapela kant i tok: Nogat. Arere b long kantri i go inap mail insait long so wara.

Bikos ol Japan i k lapim dispela mak, P i bin pasim sip bilc ol.

Long pinis bilong mun Februari 130 ol Filipi i bin kamap long PNG. Nau klostu 700 i stap. i dokta, ensinia, tisa, na wokman long ol beng


SUNLIGHT sop i wasim ol samting klin tru; ol doti i raus tru.




Putim ol doti klos i go daun insait long wanpela baket wara.




Rapim ol klos long dispela sop ol i kolim SUNLIGHT. Em i min: lait bilong san.



Nau wasim ol klos insait long dispela wara i gat sop long en. Bihain kapsaitim doti wara i go.



Wasim klos wantaim moa long nupela klinpela wara.




Nau yu lukim: ol i klin tru. Sop SUNLIGHT i bin rausim olgeta doti pinis. Go kisim sampela SUNLIGHT sop nau.



Toktok i kam long Minista bilong Fainens

Mista Julius Chan, C.B.E., M.H.A.

PAPUA NIUGINI KISIM NUPELA MANI



Papua Niugini bai kisim mani bilong em yet long de 19 long Mun Epril bilong dispela yia. Nem bilong nupela mani em kina na toea. Mak bilong kina em bikpela K na mak bilong toea em i liklik t.

Papua Niugini bai kisim pepa mani na koin mani. Ol kain kain mani i olsem:

10 kina	
5 kina	Dispela em ol pepa mani
2 kina	
1 kina	
20 toea	
10 toea	
5 toea	Dispela em ol koin mani
2 toea	
1 toea	

Papua Niugini i senisim mani i go long kina na toea long wanem sapos em kisim yet mani bilong Australia, em bai painim hat tru long ranim gut wok bilong kamapim mani long kantri bilong yumi. Sapos yumi kisim yet mani bilong Australia, dispela i min olsem mipela bai bihainim olkain tingting Gavman bilong Australia i bihainim. Dispela kain tingting bai i no ken gutpela tumas long Papua Niugini.

Ol pipel bilong Papua Niugini i ken yusim tupela mani wantaim inap long 31 de bilong Mun Desemba. Long Mun Epril i go inap Mun Desemba - em i olsem etpela mun - tupela mani: kina na toea wantaim dola na sen bai wok wantaim. Ol pipel i mas traिम long kisim dola na sen i go long beng na senisim long kina na toea.

Mani bilong Papua Niugini bai i gat wankain strong stret olsem mani bilong Australia.

Wan kina i wankain mak olsem wan dola.
Wan toea i wankain mak olsem wan sen.


Wan kina bai baim ol kaikai na samting olsem wanpela dola i save baim.


Sapos yu laik save moa long ol dispela toktok bilong nupela mani, yu ken lukim Gavman Liason Ofisa klostu long yu o raitim pas i kam long:

The Chairman
Currency Working Group
Bank of Papua New Guinea
P.O. Box 121,
PORT MORESBY

o ring long Mista Temple long Dipatmen bilong Fainens long namba 71539.
o Mista Maley long Bank bilong Papua Niugini long namba 2167.

Mr. Julius Chan, C.B.E., M.H.A.
Minista bilong Fainens





OL HELPIM OL YET

Presiden bilong Ilimo Lokal Gavman Kaunsil insait long Noten Distrik, Mista Dickson Hango i bin givim bikpela tok tenkyu na tok amamas i go long ol pipel bilong dispela hap long wanem, long gutpela wok bung wantaim bilong ol long helpim ol yet.

UPELA SENTA

Minista bilong Helt, sta Donatus Mola, i n opim wanpela nupela lt senta long namba de bilong mun i go nis long Kokoda, in-it long Noten Distrik. Kaunsil bilong dispedistrik, Ilimo Lokal vman Kaunsil, i bin kim dispela nupela lt senta long kos bing \$2,700 dola. Dispela nupela helt nta ya i gat ofis, es we ol sikman, meri sik pikinini i save sim marasin ol i kol-autpesin, na rum kat rum bilong klinim ol mting bilong wok na npela rum marasin. Bihain long dispela remoni bilong opim aus sik i gat wanpela kpela singsing na dikai i kamap.

Em hia ol wok ol i bin mekim long en: Ol rot na ol bris, ol haus bilong ol tisa na ol klasrum, ol ples balus na ol etpos.

Mista Hango i tok olsem ol pipel i bin wok hat tru long developim o kirapim hap bilong ol i go het moa, bihain namba 5 hap bilong dispela Et Poin Plen, o 8-pela rot bilong gavman.

Kaunsil i bin givim ol samting bilong wok olsem ol spet, sarip, busnaip, pik, na ol narapela samting olsem bilong wok, na ol pipel i amamas tasol long mekim dispela wok i no gat pe long en.

Bihain kaunsil i bin givim ol masin bilong wokim kopi, ol tang wara, na ol tuls o sampela samting bilong wok.

AFRIKA TOKIM PNG STUDEN

Profesa T.A.I Grillo bilong Yunivesiti bilong Nigeria long Afrika, i bin lukluk raun long Yunivesiti bilong yumi. Em i autim sampela tingting bilong em long pasin edukesen bilong PNG.

Profesa Grillo i tok, i luk olsem ol yunivesiti tuden i kisim planti buksave nating. Ol i no ave tingting long i go bek long ples long helpim ol pipel bilong ol yet. Ol i pilim ol i bikela man nau. Maski long ples.

Profesa i tok, PNG Yunivesiti i gat planti ol tuden em ol i gat bikpela save i wankain olsem ong ol Afrika. Em i tok tu olsem, ol studen i as tren long helpim wok na sindaun bilong ol ipel bilong PNG.

I no stret yumi baim waitman long kam stretim ari bilong PNG. Yumi yet i mas lain long stretm. Em kantri bilong yumi. Em wari bilong yumi.

Yunaitet Nesens tok amamas long P.N.G. na Australia



Long Desemba Komiti bilong Yunaitet Nesens bilong bosim ol Teritori i kibung long Amerika na em hia sampela tok-tok na mosen bilong ol memba.

Australia i tok: Mipela i bin tok orait wantaim Papua Niugini long wok insait long ami. Mipela bai givim mani bilong helpim ami tasol Australia i no laik bai i gat sampela kem bilong ol Australia stret. Nogat. Pasin long ami bilong PNG na Australia i wok wantaim, emi samting bilong tupela kantri bihain PNG i kisim independens pinis.

Englan (Mista Murrary):

Mipela Englan i hepi PNG i kamap gutpela nau na i laik kam insait long komonwelt. Englan i gat planti liklik ol yangpela pipel i wok nau long PNG olsem saveman. Tanzania (Mista Salim)

Em i las taim nau PNG i sindaun insait long tebol bilong Australia. Neks taim bai em i gat sia bilong em stret.

Australia i bin trenim

ol PNG gut tru... Fiji (Mista Poseci Bune)

Mipela i amamas long lukim Papua na Niugini tupela wantaim i kisim independens olsem wanpela kantri. Na i nais tu long lukim gavman bilong PNG i ran gut tru. PNG i bin go het tru long edukesen na long olkain bisnis.

Japan (Mista Nagai)

Mipela i amamas long lukim i no gat pait na woa long taim PNG i go kisim independens; ol samting i ran isi.

Mipela olgeta kantri long Asia i wetim PNG i kam insait long lain bilong mipela. Mipela i sekan wantaim em na i laik wok wantaim em.



Long Rabaul asosiesen bilong ol Saina i bin givim tupela sek long Mista Jack Bagita, D.C. bilong Rabaul.

Wanpela inap \$1605 i go long Food Action.

Narapela inap \$1070 i bilong helpim ol man bilong Darwin.

PASIN BILONG

Sapos yu stap long skul o long kaunsil o long wanpela klap, mobeta yupela kisim planti WANTOK i kam olgeta taim. Sapos yupela kisim 10-pela o moa, bai prais i daun tru. Yu rait na askim mipela tasol.

Hia nau yu raitim :

Nem:

Adres :


Mi laikim pepa i kam olgeta taim

Salim i kam long :

WANTOK - P.O. BOX 396 - WEWAK

Long 21 Februeri taim namba wan minista i go opim namba wan viles kot long Kainantu, ol Lokal Gavman Kaunsil i lainim olkain masin na trak na trakta bilong ol bilong soim long namba wan minista olsem wanem ol i save fiksिम na wokim na stretim ol rot bilong ol. Em hia wanpela lain trakta bilong ol.

Poto hia i soim ol i lain long bikrot arere long ples balus long taun Kainantu.



Long mun Februeri kabinet bilong gavman kibung long Maun Hage Sori, klostu kibung bagarap long wanpe moning long wanem WANT niuspepa i bin kamap olgeta kabinet memba namba wan minista tu stat long ritim WANT na ol i no laik go k long wok bilong ol.

Olgeta tu wik olge memba bilong Haus Asembli i kisim WANTO

Long poto long rait-han yumi lukim Namba wan Minista Michael Somare i sanap long fran bilong haus kaunsil long Kainantu na i kisim tupela sek mani. Wanpela em inap long \$600 na i bilong Saut Pasifik Gems. Narapela em inap \$800 bilong helpim ol tarangu bilong ples Darwin, em bikpela raunwim i bin bagarapim olgeta.

Man i givim sek, em Inspekta Alfred Daniel bilong CIB. Na man long raithan tru i sanap lukluk, em D.C. bilong Goroka, Mista B. Borok.

Mani ya i bin kam long Goroka Boling Klap na ol memba i presen long laik bilong ol.

